

龙溪精舍丛书

龙溪精舍丛书

兩漢三國學案卷之三

唐晏學

尙書

孔門弟子之編論語也學而第一爲政第二故經首易而書次之此孔門教學者次序如是也故云書以道政事然西漢之初書出最後故陸生賈生箸書多引易詩春秋而不及書至文帝始獲伏生雖遣晁錯往受習者終鮮逮歐陽生出書教始溥至兩夏侯出書用益宏至東漢桓氏世爲帝師而人爭驚之矣若古文尙書出自安國乃魯學也習之者鮮及乎馬鄭旣生古文

爰尙歐夏舊說遂等弁髦此蓋書之一變也厥
後散佚於永嘉纂亂於梅賾而古說盡矣五經
之厄書爲第一至今日遂無一家完注或且并
本文而譌缺學者何從得覩原書也哉是可爲
太息矣今搜採兩漢諸家傳說大旨雖不能究
其閫奧亦不失嘗鼎一臠焉

伏生

張生 夏侯都尉

歐陽生

周霸

賈嘉

晁錯

以上伏氏派

歐陽生

曾孫高 高孫地餘 政

倪寬

何比干

林尊

陳翁生

平當

子晏

殷崇

朱普

鮑宣

龔勝

鮑永

鮑昱

歐陽歙

禮震

曹曾

子祉

陳弇

牟長

宋登

高獲

桓榮

何湯胡憲

桓郁

桓焉

桓典

丁鴻

鮑駿巴茂

朱偃

張禹

尹敏

彭閎

臯宏

劉愷

張充

張酺

子蕃

楊寶

楊震虞放陳翼楊秉楊賜子彪

黃瓊朱龍張奐

鄧宏杜喬宗資

劉寬徐穉劉宏

鄭固熊師熊喬

熊口閻龔景君

王政陳宣廖扶

韓宗王朗王肅

張紘

以上歐陽氏派

夏侯始昌

夏侯勝

蘭卿

黃霸

周堪

牟卿 王吉

許商 煥欽

唐林

吳章

孔霸

孔光

云敞

賈逵

宋京

吳良

牟融

宋意

張馴

以上大夏侯氏派

夏侯建

張山拊

鄭寬中 恭假倉

張無故 趙玄

秦唐

尊 馮賓

李尋

班伯

王良

閻邱葵

楊仲續

楊春卿

楊統

任安

董扶 周舒 杜微

杜瓊 何宗 周郡

周巨 楊厚

以上小夏侯氏派

孔安國子邛 倪寬 都尉朝

庸譚 胡常 徐敖王璜塗

惲桑欽 司馬遷 劉向

孔霸 孔福 孔光

孔驩 孔房 孔均

孔志 孔損 孔曜

孔完

孔昱

賈徽

賈達

張楷

度尙

尹敏

周防

孔僖

季彦

董春

丁鴻

周磐

周舉

許慎

劉祐

孔喬

楊倫

尹珍

以上古文派

杜林

衛宏

徐巡

馬融

鄭玄

王肅

以上杜林漆書派

陸賈

東方朔

劉向

桓寬

馮參

王尊

李生

賈復

索盧放

寒朗

王渙

班固

虞詡

王符

蔡邕

劉陶

盧植

陰慶

高誘

馮允

鄭均

荀爽

程秉

王粲

虞翻

陳壽

以上不知宗派

伏生濟南人也

後漢伏湛傳云九世祖勝字子賤所謂濟南伏生也

故爲秦博士

孝文時求能治尙書者天下亡有聞伏生治之欲召時
伏生年九十餘老不能行於是詔太常使掌故晁錯往
受之秦時禁書伏生壁藏之其後兵大起流亡漢定伏
生求其書亡數十篇獨得二十九篇卽以教於齊魯之
間齊魯學者由是頗能言尙書山東太師亡不涉尙書
以教伏生教濟南張生及歐陽生張生爲博士而伏生
孫以治尙書徵弗能明定是後魯周霸雒陽賈嘉頗能
言尙書云

漢書儒林傳

前書云濟南伏生傳尙書授濟南張生及千乘歐陽生

歐陽生授同郡倪寬寬授歐陽生之子世世相傳至曾
孫歐陽高爲尚書歐陽氏學張生授夏侯都尉都尉授
族子始昌始昌傳族子勝爲大夏侯氏學勝傳從兄子
建建別爲小夏侯氏學三家皆立博士又魯人孔安國
傳古文尚書授都尉朝朝授膠東庸譚爲尚書古文學
未得立

後漢書儒林傳序

尚書大傳唐傳主春者張昏中可以種穀主夏者火
昏中可以種黍主秋者虛昏中可以種麥主冬者昴
昏中可以收歛蓋藏田獵斬伐當告乎天子而天子
賦之民故天子南面而視四方星之中知民之緩急

急則不賦籍則不事力故曰敬授民時此之謂也

又唐傳寅饒入日辯秩西成傳曰天子以秩命三公
將帥選士厲兵以征不義決訟獄斷刑罰趨收歛以
順天道以佐秋殺

又唐傳辯在朔易曰短星昴朔始也傳曰天子以冬
命三公謹蓋藏閉門閭固封竟入山澤田獵以順天
道以佐冬固藏也

又唐傳納之大麓之野烈風雷雨不迷致之以昭華
之玉

又唐傳正月上日受終于文祖在璇璣玉衡以齊七

政璇璣者何也傳曰璇者還也璣者幾也微也其變
幾微而所動者大謂之璇璣是故璇璣謂之北極受
謂舜也上曰元曰萬物非天不生非地不載非春不
動非夏不長非秋不收非冬不藏故書湮于六宗此
之謂也

又唐傳歸假于藝祖用特五載一巡守羣后德讓貢
正聲而九族具成雖禽獸之聲猶悉闕于律

又唐傳見諸侯問百年太師陳詩以觀民風俗命市
納賈以觀民好惡山川神祇有不舉者爲不敬不敬
者君削以地宗廟有不順者爲不孝不孝者黜以爵

變禮易樂爲不從不從者君流改制度衣服爲畔畔者君討有功者賞之書曰明試以功車服以庸

又唐傳書曰三歲攷績三考黜陟幽明其訓曰三歲而小攷正職而行事也九歲而大攷者黜無職而賞有功也一之三以至九年天數窮矣陽德終矣積不善至于幽六極以類降故黜之善至於明五福以類升故陟之皆所自取聖無容心也

又虞傳天子衣服其文華蟲作繪宗彝藻火山龍諸侯作繪宗彝藻火山龍子男宗彝藻火山龍大夫藻火山龍士山龍故書曰天命有德五服五章哉

又虞傳山龍青也華蟲黃也作繪黑也宗彝白也璫
火赤也天子服五諸侯服四次國服三大夫服二士
服一

又虞傳古者帝王升歌清廟之樂大琴練絃達越大
瑟朱絃達越以韋爲鼓謂之搏拊何以也君子有大
人聲不以鐘鼓竽瑟之聲亂人聲清廟升歌者歌先
人之功烈德澤也故欲其清也其歌之呼也曰於穆
清廟於者歎之也穆者敬之也清者欲其在位者遍
聞之也故周公升歌文王之功烈德澤苟在廟中嘗
見文王者愀然如復見文王故書曰搏拊琴瑟以詠

祖考來格此之謂也

又虞傳元首明哉股肱良哉元首君也股肱臣也

又虞傳予辯下土使民平平使民無敖

又殷傳曰古者諸侯始受封則有采地百里諸侯以三十里七十里諸侯以二十里五十里諸侯以十五里其後子孫雖有罪黜其采地不黜使其子孫賢者守之世世以祀其始受封之人此之謂興滅國繼絕世書曰茲予大享于先王爾祖其從與享之此之謂也

又殷傳曰武丁祭成湯有飛雉升鼎耳而雒武丁問